

Danke

Pedi Fritz

Mir reded eus immer ii, alles chunt guet und nice
stönd hinderem Vorhang, d'Stimmig isch heiss, ich weiss
de Badi hets im Griff
Rappe isch euses Lebe und Sanic en Begriff, für diversi Mensche
i ganz vielne Länder
dur eusi Reis viel kenneglernt und jetzt laufemer uf diverse Bänder
ufe und abe, abe und ufe
no eimal tüüf dureschnufe, Vorhang uf d'Siete
stepped use und gsehnd all die Gsichter
das bedütet eus so viel, drum simmer immerna Dichter
ihr chönd eu das ned vorstelle, abartig geil
fühled eus innert Sekunde dihei
mir sind gebore für uf d'Stage, so wunderprächtig
de Beat haut ine, plötzlich sind all Problem nebesächlich
de Fun am eskaliere, s'Hert am duredrülle
am spitte am usflippe, Emotione am enthülle ahh

2 x Ref

Mir seged Danke, für eui Energie
ihr sind für euses Lebe so was wiene Melodie
mir seged Danke, mir seged Danke

Badi

Es isch chalt Veruss, d'Sunne gaht under
nach langem Schaffe kaputt, yeah und es nimmt mich Wunder
was wohl wäre, hettemer kei Lehr gmacht und euses Für entfacht
alles i d'Musik gsteckt wasmer hend, mengisch zieni das in Betracht
alles hischmeisse für Drü Minute Bluet, Schweiss und Träne
d'Auge schlüsse und eifach nume, chöne Zrugglehne
de Text ufme Blatt A4 und s'Klavier ufme Beat
wommer spöter chan lose und Sanic Production die Bühne betritt
de Puls uf 180, s'Liecht schiint is Gsicht
wür jede Hass verstriche lah, jedi truurigi Gschicht
eusi Lüüt vorne dra mit de Händ ide Luft und paar Bierli
alles um eus ume vergässe bis am Morge am Vieri
dases eus zeigt, es lauft alles richtig
und mer merkt, Ruhm und Erfolg isch eich gar nöd so wichtig
nume eusi Liebschte um eus um, mit gueter Luune
das isch euses Ziel wo eus zeigt, Yeah, mir hend gwunne

2 x Ref

6 x Ref im Kanon